



清刻龍藏佛說法變相圖

如意輪陀羅尼經

此經出大蓮華金剛三昧耶加持祕密無障礙經五

唐天竺三藏法師菩提流志譯能

序品第一

如是我聞一時佛在雞喇斯山與無央數菩薩衆俱爾時觀自在菩薩摩訶薩從座而起整理衣服長跪合掌前白佛言世尊我有大蓮華峯金剛祕密無障礙如意輪陀羅尼明三昧耶能於一切勝福事業所求皆得如成就就如來大慈許我說者我當承佛神力廣爲饒益一切有情意願故說世尊是陀羅尼明有大威神如天意樹爲諸明仙雨大寶雨所欲皆得等摩尼珠能滿有情一切勝願唯希如來慈哀加持爾時世尊誥觀自在菩薩摩訶薩言善哉善哉汝以大悲爲諸有情故發是問我已加持聽汝無礙說示如意輪陀

羅尼明爾時觀自在菩薩摩訶薩承佛誥旨
顧及眷屬即起合掌修敬頂禮繞佛三匝還
坐本座以歡喜心諦觀會眾熙怡微笑即說
根本陀羅尼明曰

娜謨囉怛二合娜二奴可切上怛二合囉耶野一娜

麼阿去音唎二合耶二縛無可切噓二合枳諦濕二合縛二合上

囉耶三音菩提薩埵耶四音摩訶薩埵耶五音摩

訶迦居遲切嚕下同音拏迦耶六音怛姪寧也切他去音

唵喉中擡聲斫羯囉無過切囉底振踰麼引呼之八

拏九音摩訶鉢頭途色切謎十音嚕嚕十一音底瑟侘十一音

切十音入縛無可切囉十音阿去音迦二合唎三音沙下音野下音

四十音虎二合鉢五音拏十音吒十音莎去音縛同上音訶引音

大心陀羅尼明曰

唵同去音鉢頭同上音麼二音振踰麼拏三音摩訶

入二音縛同上音囉四音虎二合鉢五音

小心陀羅尼明曰

唵同上音縛同上音囉同上音娜鉢頭同上音謎二音虎二合鉢三音

爾時觀自在菩薩摩訶薩說此陀羅尼明時

大地山林六返震動一切天宮龍宮藥叉宮

羅刹宮乾闥婆宮阿素洛宮迦樓羅宮緊那

羅宮摩呼羅伽宮皆大震動種種諸惡大力

鬼神毗那夜迦作障礙者皆大戰悚諸魔宮

殿普大火起是中魔王及魔眷屬生大怖懼

一切鄙惡龍女神女鬼女藥叉女羅刹女乾

闥婆女阿素洛女迦樓羅女緊那羅女摩呼

羅伽女一時惶怖悶亂躡地一切地獄皆自

門開是中一切罪報有情皆得解脫盡生天

界受勝安樂爾時諸天各持天諸種種殊勝

牛頭梅檀沉水末香塗香燒香奇妙天華眾

寶瓔珞釵璫環釧寶蓋頭冠天諸衣服一切飾具於虛空中續紛散雨供養如來及會大眾滿虛空際起種種色雲於其雲中無量天樂不鼓自鳴出不思議和雅音聲供養如來見聞聽者住慈忍力如斯神變皆是觀自在

菩薩摩訶薩秘密如意輪陀羅尼明神力所致爾時世尊出迦陵頻伽美妙梵聲說深妙偈讚觀自在菩薩摩訶薩曰

善哉善哉善男子 汝能愍念諸有情
說是如意陀羅尼 拯濟有情大勝益

令信受者銷諸罪 當超三界證菩提

隨方若有修持者 世出世願得圓滿

爾時世尊說斯偈已復誥觀自在菩薩摩訶薩言善男子汝當重為一切有情說斯神通陀羅尼明受持法要令當有情獲大善利

破業障品第二

爾時觀自在菩薩摩訶薩又白佛言世尊若有比丘比丘尼優婆塞優婆夷童男童女於此生身求大功德現報之者當於晝夜依法精勤修持此如意輪陀羅尼明不假占擇日月吉宿亦不一日二日斷食亦不沐浴亦不作壇著常衣服明水灑淨如常齋食作成就法當於晝夜居淨室中面東跏趺坐想聖觀自在身相好圓滿如日初出放大光明坐蓮華上對在目前誦念不亂燒沉水香運心供養恭敬禮拜隨心所辦香華供獻而不斷絕六時時別一千八十遍相續不絕一字誦滿三洛梵云一洛又此云十萬數由住瑜伽觀法誦念所有過現五無間罪極惡業障自然銷滅當見種種諸大善夢當知此則罪滅之相聖觀自

在加被護念由斯善根百千事業舉心誦念一切所爲則得成就一切諸明神通威力無能及此如意輪陀羅尼明神通力者所以者何是陀羅尼若有能信受持之者過現造積四重五逆十惡罪障應墮阿毗地獄之者悉能銷滅若一日二日三日四日乃至七日熱病風病癩病痰病蠱毒瘰癧痔瘡疥癩癩癩風痒頭鼻眼耳脣舌牙齒咽喉胃脅心腹腰背手足支節一切疾病種種災厄魍魎鬼神由經誦念皆得除滅一切藥又羅刹毗那夜^{能五}迦惡鬼神等悉不能害刀兵水火惡風雷雹王難賊難怨讎等難不相橫害一切惡相劫福之業惡星變怪皆自銷滅蚺蛇蝮蠍守宮蜘蛛師子虎狼一切惡獸亦不相害若有軍陣鬪戰官事諍訟由明成就皆得解脫若常

五更誦此陀羅尼一千八十遍者如上諸事皆得解脫自在如意若能每日六時時別誦此陀羅尼一千八十遍者聖觀自在夢覺現身住是人前告言善男子勿怖欲求何願一切施汝或見阿彌陀佛或見極樂世界宮殿樓閣莊嚴之事或見極樂世界菩薩會衆或見十方一切諸佛菩薩大衆一切集會或見聖觀自在所住補陀洛山七寶宮殿或見自身內外清淨或見國王大臣恭敬供養或見自身過世所造一切罪障皆得銷滅當知斯人當捨命後不受胎生蓮華化身身相端好著天衣服而自莊飾生生之處識宿命智乃至菩提更不墮於三惡道中恒與一切諸佛菩薩同一生處住不退地

誦念法品第三

爾時觀自在菩薩摩訶薩復白佛言世尊是

能五

五

祕密如意輪陀羅尼復有二法一在世間二出世間言世間者所謂誦念課法勝願成就攝化有情富貴資財勢力威德皆得成就言出世間者所謂福德慧解資糧莊嚴悲心增長濟苦有情衆人愛敬斯經祕要當密祕持無識之人不應宣傳若證此祕密三昧耶者當自祕持勿妄宣說若真成就此陀羅尼最勝法者於一切處若食不食若淨不淨一心觀想聖觀自在相好圓滿如日初出光明晃曜誦斯陀羅尼無有妄念常持不間一無過犯則得聖觀自在現金色身除諸垢障神力加被心所求願皆乞滿足證諸神通安怛陀那法多聞持法如意珠法住年藥法兩寶兩法見伏藏法入阿修羅窟法隨意形法種種

藥法杵法瓶法世出世間諸所樂法皆得成辦若有國王皇后嬪妃王子公主宰官婆羅門刹利毗舍首陀比丘比丘尼若男若女童男童女若諸外道伏信斯法而受持者應知時數若國王誦念時於七日中六時各誦一千八十遍若王后嬪妃每時當誦九百遍若王子誦八百遍若公主誦七百遍若宰官誦六百遍若婆羅門誦五百遍若刹利誦四百遍若毗舍誦三百遍若首陀誦二百遍若比丘比丘尼誦一百八遍若男子誦一百六遍若女人誦一百三遍若童男誦一百遍若童女誦九十遍此名課法持念稱名一切勝事皆獲成就富貴福樂資財穀帛奴婢象馬一切樂具隨意增長明者時數每從後夜至明相時誦一千八十遍常不間廢則得成就一

能五

六

切無邊之事百由旬內地天男女捷疾如風
 歸敬讚歎若欲聖觀自在現與願者清淨澡
 浴末香塗身著淨衣服食三白食隨力所辦
 香華香水三白飲食果菰供養沉水香白梅
 檀香等和酥蜜面東結跏趺坐想聖觀自在
 誦如意輪陀羅尼明一明一燒滿十萬遍聖
 觀自在現身教語成就明者一切諸願若欲
 執金剛藏菩薩現者沉水香安悉香等和酥
 蜜一明一念執金剛藏菩薩一燒滿十萬遍
 執金剛藏菩薩而自現身觀念明者愛之如
 子授與一切持明法品若欲一切諸佛菩薩
 現者以沉水香一明一念一切諸佛菩薩一
 燒滿十萬遍諸佛菩薩皆自現身為除蓋障
 滿所求願若欲一切大持明仙現者以安悉
 香和酥七日七夜一明一念大持明仙一燒

滿七日七夜一切大持明仙皆自現身住是

人前各持明法呈授明者加祐神力隨逐擁

護若欲三千大千世界主帝釋梵王與諸天

眾現者七日七夜以安悉香薰陸香等和酥

蜜一明一念帝釋梵王一燒滿七日七夜帝

釋梵王與諸天眾皆自現身說法慰喻與所

求願而擁護之

印法品第四

爾時觀自在菩薩摩訶薩復白佛言世尊是

秘密如意輪陀羅尼明印明者防護供養請

召迎送必皆依法觀想分明無令錯謬則得

成就此秘密三昧耶

大蓮華三昧耶印第一

二手合掌以二頭指二中指二無名指各豎

磔開微屈頭指相去寸半二大指二小指各

豎相著微屈印明曰

娜謨囉怛二合娜怛二合羅耶野一娜麼阿上音喇

耶婆無何切露枳諦濕二縛無可切羅野二下同音

菩地薩埵野三摩訶薩埵野四摩訶迦居邏切

同音 嚕拏迦野五唵喉中聲呼六參去音摩曳譟蘇切下

同音 咩彌養切七扇諦彈諦八薩縛參去音摩耶去音

努鉢二合囉尾瑟鉢二合怒邏努覽魚枳切莎十一

去音 縛二合訶二

若欲作曼拏羅時當於壇地先誦身心三
一千八十遍即結此印明印七遍以印東西

南北四維上下各揮三遍靜心想印作百千

葉七寶開敷蓮華供養一切諸佛菩薩諸天

龍神一切歡喜凡欲洗浴以小心明加拈字

明水七遍右手摩水則用沐浴不明不用

解脫印第二

以二小指二無名指掌中右壓左相又二中

指豎頭相著二頭指各當中指背屈如鉤頭

去中指背三分二大指並豎印明曰

那謨摩訶去音室二合哩夜曳一唵上同呼鑠計

參去音摩曳譟同音三悉地悉第四娑去音馱耶八

五始吠始吠六始幡蒲餓切咩同上阿去音幡

訶上音薩縛阿上音嚩訶他我切娑去音達泥八莎九

九縛二合訶

當作此印明印三遍印頂上臍上心上喉上
護身竟以印撓衣能令一切毗那夜迦遠不

為障超諸障礙亦用此印持護一切供養物

等而供獻之

治土明印第三

唵同上步入縛二合攤二虎二鉢三

當取淨土分作三聚以此明明土七遍一聚

洗腰已下一聚洗髀已下一聚洗頭頸

觸護身印第四

二頭指二無名指二小指掌中右壓左相又
二中指屈頭於二頭指背甲背相著二大指
並伸捻二中指印明曰

唵

同上 呼一句露陀上音那虎二合餅綽處略切三

次作此印明印三遍護身往諸觸處及上廁
上出入如常洗淨又至一處持土洗手并漱
口齒

漱口印第五

右手大指頭指中指相並微屈九無名指小指
屈如鈎印明曰

唵

同上 呼一觀知矩觀同上麗二矩魯矩魯三莎

去音縛訶四

次作此印承大明水三遍洗漱口齒并飲灑

淨若欲澡浴先浴三寶次浴聖觀自在則自

洗浴

浴三寶印第六

二手仰掌側並相著屈二頭指各側捻二大
指甲上二中指二無名指二小指相著平伸

印明曰

唵同上 呼一諦曬曬勃陀上音莎去音縛訶三

次作此印取水明之三遍浴佛次浴法時除
勃陀字安達磨字次浴僧時除達磨字安僧
去伽字各水三掬浴獻三寶已當浴本尊

浴聖觀自在印第七又名明者取水洗自頂上洗浴印也

二手仰掌側並相著二頭指二中指二無名
指二小指各豎屈相著屈二大指各捻二頭

指下文印明曰

娜謨囉怛二合娜怛二合囉耶野一娜麼阿上音唎

耶二婆露枳諦濕縛囉野三菩地薩埵野四

摩訶音去薩埵野五摩訶音去迦嚕拏迦野六怛

地寧也他去音闍麗摩訶音去闍麗八蘇羅鉢

底九莎去音縛訶十

次作此印取水三掬各明三遍浴聖觀自在

已即澆自頂洗浴於身

自灌頂印第八

以二無名指掌中右壓左相叉二小指直豎

頭指著二中指豎伸屈第一節頭相拄二頭

指各捻中指背中節上二大指捻二無名指

頭印明曰

唵同上賀佉理理二虎二鉢三

若洗浴訖次作此印明印三遍取水用自灌

頂辟除一切作障難者

著衣印第九

二手大指各橫壓頭指中指無名指小指甲

上印明曰

唵同上微莽囉二莎去音縛訶三亦名

次以此印取水明三遍灑衣服又以小心

明明衣三遍著持已出於淨處面東蹲坐又

用溲豆淨水洗手漱口其漱口明如上無別

禁頂印第十

以右手手中指無名指小指作拳以頭指捻大

指面中文印明曰

唵同上矩嚕矩麗二莎去音縛訶二

次作此印明印三遍印頂上作浴法時於其

中間不得瞋怒起諸漏心亦不得見諸臭穢

物諸惡人輩一心憶念聖觀自在即入道場

頂禮三寶次禮聖觀自在用小心明明水五

遍灑治諸供養物及灑道場

護身印第十一

以二小指掌內相又屈二無名指雙壓三小指相又上二中指直豎頭相著二頭指微屈各當二中指上節相去半分二大指當二中指側仰印明曰

唵同上跋日囉引二祇睜二鉢一囉你去音鉢

野三莎去音縛訶四

次作此印明印三遍印頂上兩膊上喉上心上即成護身

大護身印第十二

印相準前印明曰

唵同上入縛二攤囊野二虎二鉢三拂三

又作前護身印明印五遍印觸五處成大護身

被甲印第十三

二手仰掌散伸十指印明曰

唵同上一度比度比迦引野度比二鉢二囉入

縛理睜三莎去音縛訶引

次作此印明印三遍從頂摩觸下至於足即成被甲

十方界明第十四從此有金剛菩薩結界多利心毗俱知菩薩並未安也

唵同上阿去音露力三

此明明水白芥子灑散八方結界又以小心明明水白芥子灑散上下方結界

結壇界印第十五

二中指二無名指二小指掌中右壓左相又相鉤二頭指斜豎頭指相著二大指向身豎頭側相著誦小心明明印七遍繞壇三匝揮印結立壇界次於壇內諸聖者位奉置香水

器水上汎華供養

治路明第十六

唵同上鉢那弭睇二幡加上縛底下慕輕

賀野慕輕賀野四惹孽魚列切慕輕賀野三莎

去音縛訶引

此明欲奉請時持香鑪誦之七遍開治空中

道路關鑰辟除一切警覺聖觀自在及諸聖

者來加被之

請召聖者印第十七亦名送印

二中指二無名指二小指右壓左仰豎相又

相鉤二頭指斜伸頭相柱二大指向前招撥

二中指頭請召先顧彼方若改二大指向外

撥即名送諸聖者法印明日

唵同上覩嚕覩嚕二莎去音縛訶引

次作此印誦明七遍請諸聖者降會道場

迎印第十八

二手十指掌中右壓左相又作拳各露中節

豎右大指來去三遍印明日

娜謨羅怛二娜怛二羅耶野一娜麼阿上喇

耶二婆露枳諦濕縛羅野三菩地薩埵野四

摩訶去薩埵野五摩訶迦嚕拏迦野六鉢頭

鉢頭二摩七鉢頭二摩播睇八娑去羅

娑去羅九騎醯曳醯十娑上伽上畔上那去

哩二夜婆露枳諦濕縛羅野二十阿上奴紺

播謨播馱野三十阿去露力四

次作此印誦明三遍右轉迎想聖者在壇

供養香水印第十九

二手十指掌中右壓左相又雙合成拳豎左

頭指而遍示之印明日

唵同上阿去露力二

次作此印明印三遍印香水器捧持當額供養奉請

華座印第二十

二手仰掌二頭指二中指二無名指二小指各豎背相並著二頭指各附著中指背二頭指頭與二中指上文齊二大指各附頭指下文印明曰

唵同上鉢頭合二摩寐羅野二莎去音縛訶二

次作此印誦明三遍與諸聖者敷設華座白言聖者善來由本願力不捨大悲來降赴此

卑弊之處開無礙恩願垂加持受斯供養滿有情願各就本座作請坐印想諸聖者各就座坐

請坐印第二十一

二頭指二無名指二小指掌中右壓左相又

作拳二大指雙屈入掌中二中指豎頭相柱上下來去次作此印誦小心明三遍請聖觀自在及請諸菩薩各就座坐次請用君吒利金剛結界嚴護

除障印第二十二

二中指二無名指二小指掌內右壓左相又二頭指斜豎頭相柱二大指向身豎頭相柱

印明曰

唵同上耳唵合二耳曩去音勃合二力婆夜三弊毗藥切你扼四莎去音縛訶五

次作此印明印三遍印一切華香執持供養物等作淨除障

想供養印第二十三

二手合掌二大指二中指二無名指二小指頭右壓左相又二頭指各捻中指背上節印

明曰

娜謨薩縛勃陀一上音步地薩埵南二上音薩婆

訖沃列諦三薩切僧色二合囉伊摩二合鉢四伽

伽上音那去音紺五莎去音縛訶六

次作此印明印三遍想為種種供養聖者當

作種種讚歎三寶讚歎聖觀自在隨心所樂

發願迴向懺悔諸罪發菩提心初及了皆以部母護本尊

求生印第二十四亦名水母生印

二大指二小指豎頭相著微屈二頭指二中

指二無名指各豎散伸微屈今頭開各相去

一寸印明曰

能五

十五

唵同上鉢頭途邑切暮瞞善餓切婆無何切野二

莎去音縛訶引

次作此印明印三遍顯示諸尊一切歡喜擁

護加被所求滿願

根本印第二十五

二手合掌虛掌內二大指相並豎伸屈二頭

指捻二大指頭上相拄誦大心明小心明明

印三遍印頂上左右膊上喉上心上護身被

甲則印藥上誦大心明小心明明藥光護

大心印第二十六

準前印改左手當心仰伸改右手向外揚掌

誦大心明明印三遍呈示聖觀自在請願成

辦一切事業

淨治珠明第二十七

唵同上暗沒二合哩耽儼袂室二合哩曳二室利

一忙去音哩你三輕呼莎去音縛訶引

以此明淨治念珠當用蓮子或摩尼珠以牛

五淨浴之一一珠明十遍穿持繫畢又明一

百八遍如法受持又後成就數珠呪一千八百遍訖勿穢惡處著常香

合威

捧數珠印第二十八亦名成就珠

右手取珠置於掌中二手合掌大虛掌內捧

珠明曰

唵同上縛蘇上音瞞底二室唎曳三鉢持

莽忙囉四莎去音縛訶五引

此明又明珠一千八十遍清淨受持每取珠

時三遍明珠即以二手當心相去六寸或當

鼻前二手五指各攢捻念珠捻一一珠與明

同了斷諸緣慮一心凝目想念聖觀自在陀

羅尼字圓光身心光明如日不令錯亂隨所

力念乃至千萬身極疲頓誦念方息開目瞻

觀聖觀自在合掌頂禮種種梵音讚歎聖觀

自在出道場時復獻香水作是思惟我當以

何方便令諸有情永免生死證入菩提若成

就藥者瞻想聖觀自在一心係藥捷捷誦明

候太陰太陽盈復如本藥現煖烟增光其藥

即成就

解界印第二十九

二無名指掌內右壓左相鉤二大指捻二無

名指甲上二中指豎頭相拄二頭指附二中

指背相著二小指並豎相著印明曰

唵同上統二哩阿上音參去音忙擬曄二虎合二鉢

次作此印誦明七遍左轉三帀解結壇界若

解界已又獻香水供養發遣作前迎印向外

撥之送諸聖者還本宮中

五淨明第三十

唵同上耶輸上音提二莎去音縛訶三引

明者若食觸穢食時以此明淨牛五淨一百

八遍以茅草攪令相和服之解其觸穢即得

清淨一切藥物供養器物香水香華塗香燒十七
香飲食然燈磨香喫食著脫衣服灑水澡浴
作淨皆用小心明明之五遍威光增澤遣治
諸障

壇法品第五

爾時觀自在菩薩摩訶薩復白佛言世尊是
祕密如意輪陀羅尼大曼拏羅印三昧耶成
就世間三種藥法令世人民見聞歡喜而相
愛敬當候太陰太陽蝕時預二七日於閑靜
處方量四肘或復五肘或復八肘隨自力能
如法掘地除去惡土瓦石骨木以淨黃土填
築平正初瞿摩夷塗次黃土泥塗次香泥塗
精細泥飾分爲二院內院當心畫三十二葉
開敷蓮華於華臺上畫如意輪聖觀自在菩
薩面西結跏趺坐顏貌熙怡身金色相首戴

寶冠冠有化佛菩薩左手執開蓮華當其臺
上畫如意寶珠右手作說法相天諸衣服珠
璫鏤釧七寶瓔珞種種莊嚴身放衆光東面
畫圓滿意願明王左畫白衣觀世音母菩薩
北面畫大勢至菩薩左畫多羅菩薩西面畫
馬頭觀世音明王左畫一髻羅刹女南面畫
四面觀世音明王左畫毗俱胝菩薩是等菩
薩寶冠珠瓔耳璫環釧天諸衣服種種莊嚴
坐蓮華上半跏趺坐外院東面畫天帝釋左
右畫諸天衆圍繞南面畫跋摩王即閻羅左
大王也
右畫諸鬼母衆圍繞西面畫水天王左右畫
難陀龍王鴟波難馱龍王及諸龍王衆圍繞
北面畫多聞天王左右畫諸藥叉衆圍繞東
南面畫火天神左右畫苦行仙衆圍繞西南
面畫羅刹王左右畫諸羅刹衆圍繞西北面

畫風天王左右畫風天衆圍繞十八東北面畫大自在天王左右畫宮盤茶鬼衆圍繞又東面畫日天子左右畫七星天衆圍繞又西面畫月天子左右畫七星天衆圍繞又西面畫地天神左右畫諸藥又神圍繞又東面畫大梵天王左右畫諸梵衆天圍繞又西面畫阿素洛王左右畫阿素洛僕從圍繞又西門畫始縛無可切婆歌呼我切明王是等天神各執器仗種種衣服如法莊嚴半跏趺坐內外院界畫寶街道內院界上遍畫種種色如意寶珠繞畫火燄外院界上遍畫獨股金剛杵令頭相次繞畫火燄此秘密曼拏羅三昧耶力不逮者但畫座位各於位上題書名字作法供養亦得成就若畫匠畫時清淨澡浴著淨衣服每日與受八戒齋法如法畫飾彩色筆畫畫

淨好者若畫飾已明者淨浴著淨衣服依法作治護身護伴結界奉請香水供養燒沉水香白梅檀香安悉香薰陸香壇內聖觀自在前敷蓮荷葉置於藥器以蓮華葉蓋覆器上加牛五淨灑灑藥上并印護持各依位次獻能五諸香水香華果菴三白飲食及諸飲食酥油燈髮如法供養則當呈示三昧耶令普照知其奉請香水及獻香水香華塗香燒香果菴飲食燈明皆印加持明之三遍此秘密曼拏羅三昧耶是聖觀自在現身與願處是一切諸天明仙禮敬讚歎守護處是諸有情蠲除一切罪障處是成就世出世間三種藥處增長福蘊命終當得往生西方極樂刹土蓮華化生著天衣服而自莊嚴識宿命智乃至菩提不墮惡道

佩藥品第六

爾時觀自在菩薩摩訶薩復白佛言世尊是
 祕密如意輪陀羅尼明有三種藥一者佩藥
 二者含藥三者眼藥言佩藥者等分當用牛
 黃白栴檀香鬱金香龍腦香麝香丁香白豆
 蔻紅蓮華鬚青蓮華葉肉豆蔻素靺羅拏鉢
 怛囉石蜜塗壇結界明藥一千八十遍相和
 擣從為丸和擣藥時調調誦明明藥不絕總
 勿世語法即成就盛藥器中置於壇內聖觀
 自在前誦根本明大心明小心明加法明藥
 乃至太陰太陽盈復圓滿藥現煖煙增光若
 煖相現燒薰衣服佩戴點額上脰上眉間上
 者則謂一切人民愛敬尊崇教命若煙相現
 燒薰衣服佩戴點者則得安怛陀那自在成
 就若增相現薰衣點佩福德增壽一切鬼神

怖不相燒魍魎諸病皆得除差若光相現薰
 衣點佩則證神通明仙之位國王王子后妃
 嫫女宰官僚佐男女大小見令歡喜敬事供
 養施諸財寶隨願讚歎一切災厄宿障五無
 間罪應墮阿毗地獄者亦皆銷滅由明藥成
 福德增盛人所親見而不厭怠獲大勝願猶
 如日輪隨方至處除世幽冥一切觀愛諸事
 成辦水難火難刀杖毒藥蟲毒呪詛虎狼毒
 蟲悉不災害設復有人臨當刑戮以藥熏佩
 由藥勢力刀尋段壞而得解脫若復有人枉
 械枷鎖禁繫牢獄以藥熏佩而得解脫是持
 明者作此法時應當至心誠信斯法勿懷疑
 惑依法修治畢不虛也此藥有毒持勿妄服

含藥品第七

爾時觀自在菩薩摩訶薩復白佛言世尊是

陀羅尼明舍香法者世間一切恭敬愛樂等
分當以龍腦香麝香鬱金香牛黃塗壇結界
明藥一千八十遍相和搗研以天雨水和丸
丸如麻子盛藥器中置於壇內聖觀自在前
誦根本陀羅尼明大心明小心明作成就法
候太陰太陽盈復圓滿藥若煖烟增光明現
驗斯相成密處陰乾若煖相現舍持誦念攝
諸人民相敬讚歎口諸疾病皆悉除差口氣
香潔若烟相現舍持誦念心所願求自然圓
滿除諸災患語業清淨薄除垢障見者敬伏
若增相現舍持誦念壽命增遠能五魍魎鬼神見
皆怖走若光相現舍持誦念則證神通明仙
之位識宿命智五無間罪自然除滅世間諸
難皆得解脫國王王子后妃嫫女宰官人民
外道等輩見聞講論種種言辭悉皆信受歡

喜聽聞攝伏供事施諸財寶一切成辦如轉
輪王曼馱多慈育天下得與帝釋同一牀坐
是持明者舍斯藥已有所聽聞持皆不忘世
間智慧辯說無礙言音和雅如緊那羅令眾
樂聞若舍斯藥入陣鬪戰定勝他軍若常舍
藥依法誦念聖觀自在現斯人前與所求願
隨心滿足又法作四肘曼拏羅基高尺二平
治填拭以瞿摩夷黃土泥白梅檀香泥摩塗
壇上置聖觀自在像面向西香華燈明三
時布獻唯除苦厄臭華沉水香白梅檀香燒
灼供養以白梅檀木作摩尼幢帳量高一肘
幢頭繒綵莊嚴下垂旛帶幢頭置摩尼珠其
珠以紅玻瓈或用水精皆淨無瑕翳其幢置
壇心上以七丸藥懸置幢上壇西作法面東
趺坐誦根本陀羅尼明大心明小心明啓請

聖觀自在帝釋天大梵天四天王天持明仙
 濕婆麼歌明王一髻羅刹女度底使者時明
 一千八十遍燒香散華梵音讚歎而供養之
 滿一百日夜於聖觀自在所求如願一切攝
 伏隨順安住得與明仙同行業緣諸仙敬護
 直至命終請往使處必不疑也此名如意密
 使之法夫用藥者應以藥丸隨日多少作末
 石蜜和丸盛銀器中大心明小心明明一千
 八十遍持藥一明一觸菩薩二足一百八遍
 置密淨處每欲舍時明三七遍合持默誦三
 明一百八遍能五一切鬼神難調伏者而皆降伏
 隨心驅使速得成辦若舍若帶所向之處見
 者歡喜無不和偶能成一切秘妙之事若入
 王宮若入僧中若入聚落若入外道皆密舍
 藥默誦明攝善言相教則得一切順伏相向

樂同一處心所念求為皆成就常得貴人愛
 敬供養若常如法作是法者於日日中應受
 種種上妙供養若有怨敵軍陣鬪諍皆得勝
 利以是因緣聖觀自在於一切時護如愛子
 與大自在作是法者除不至心

眼藥品第八

爾時觀自在菩薩摩訶薩復白佛言世尊是
 陀羅尼明眼藥法者令諸有情獲大勝利如
 意成就聖觀自在與所求願一切圓滿其藥
 等分以雄黃迦俱婆昵夜珊此云蒼耳子燒取 瀝餘本譯云

取蒼耳子仁 紅蓮華鬚青蓮華葉牛黃鬱金香黃
 檀餘本譯云 小栢一云象膽 葶苈胡椒海水沫塗
 壇結界明藥一千八十遍相和擣研又以麝
 香龍腦香白生石蜜各減前藥半分相和精
 研盛銅器中置壇內聖觀自在前誦根本明

大心明小心明作成就法當候日月盈復圓
 滿藥煖烟增光現藥則成就隨上中下成就
 證相先以藥塗聖觀自在足下於諸有情起
 大悲心當誦三明一百八遍則當塗眼所有
 翳障白暈眇淚赤膜雀目胎赤風赤眼中努
 肉皆得除差第二度塗者所有頭痛或頭半
 痛口諸疾痛壯熱熱病一日發二日發三日
 發或常發者悉皆除差第三度塗者一切諸
 惡神病鬼病癩癩風病乃至八萬四千神鬼
 種種病惱悉皆除愈第四度塗者一切作障
 毗那夜迦諸魔神鬼皆怖遠離第五度塗者
 一切怨難兵陣鬪諍皆得勝利有大威德第
 六度塗者一切重罪五無間業應墮阿毗地
 獄之者及諸惡夢一切災怪不吉祥相悉皆
 除滅第七度塗者國王王子后妃嫫女宰官

僚佐一切男女悉皆隨順信向愛樂而為供
 養第二七度塗者得大自在第三七度塗者
 福植如王一切人民悉伏隨順親近供養第
 四七度塗者一切藥又及藥又女種族眷屬
 隨意攝伏任為給使第五七度塗者一切羅
 刹及羅刹女一切阿修羅及阿修羅女一切
 龍及龍女自在攝伏皆為給使第六七度塗
 者一切大力幻化飛空洛刹瑜吉尼現種種
 形隨意給使乃至菩提隨逐擁護第七七度
 塗者摩訶迦羅神鬼子母神八部諸神而皆
 攝伏隨從擁護第八七度塗者能見一切隱
 形仙輩第九七度塗者能見地中一切伏藏
 第十七度塗者能見諸仙人宮阿修羅宮一
 切門開見彼宮中一切出入第十一七度塗
 者入於山林能見一切藥精現形威光赫奕

求之長壽及大勢力採取如意第十二七度塗者能開諸山神仙宮門是中神仙迎持明者入須仙藥則得如意第十三七度塗者能開海中一切龍宮見中龍衆一切歡喜無有障礙第十四七度塗者能見欲界諸神宮室一切門開第十五七度塗者夜行黑闇明見如畫第十六七度塗者能見水際金剛際風輪際空際第十七七度塗者能見四天王天亦能下見地獄受苦有情令彼有情皆得解脫第十八七度塗者威光如日破諸黑闇第十九七度塗者能見聖執金剛菩薩祈乞諸願悉皆滿足第二十七度塗者能見聖觀自在與所求願悉皆滿足第二十一七度塗者能得神通觀見色界諸天宮殿自在遊戲出入無礙復見十方一切刹海諸佛菩薩獨覺

聲聞會衆淨佛國土若一年塗者密持三明得淨五眼功德福蘊神通威力轉轉增長齊諸天等每塗藥時銅筋搵藥明三七遍點塗眼中如法持明若有有情修持斯法求於勝願當深信解勿生疑惑常於有情生大悲心第五學佛智慧即得成就如向所說一切事業必不虛也作此法者心生疑惑復不專功所作諸法則不成就

護摩品第九

爾時觀自在菩薩摩訶薩復白佛言世尊是陀羅尼明護摩法饒益有情成就一切最勝之法破諸蓋障止諸怨敵一切毗那夜迦不相障惱一切人民見皆歡喜於清淨處方量三肘淨治塗地當中圓一肘深半肘穿火爐坑瞿摩夷黃土泥如法摩拭白梅檀木長二

把半截之爐中累燒等分以稻穀華白芥子
沉水香和酥蜜乳酪於五更時護摩一千八
十遍五無間罪一切業障一時消滅若經七
日作護摩者壽命無夭出諸重罪得身清淨
若二七日作護摩者福壽增越國王王子輔
相人民見者愛敬如事火天若三七日作護
摩者三十三天釋提桓因并諸天衆日月天
子皆來擁護與諸願滿四天王神持明仙衆
并諸眷屬皆來擁護與其効驗執金剛菩薩
與大勝願聖觀自在當現其身授加大願隨
意滿足今世人民皆當敬伏若天亢旱以白
芥子和酥三日三夜如法護摩則降甘雨若
多霖雨取護摩灰仰觀空雲明一百八遍上
散空中其雨即晴若災風雹雨卒暴起時用
護摩灰明一百八遍望向散之風雹即止若

常依法誦念明者威德神力而無所畏如那
羅延捨此身後則生西方極樂世界隨所生
處常識宿命乃至菩提不墮惡道世尊此如
意輪陀羅尼明無量功德踰海無極若比丘
比丘尼優婆塞優婆夷童男童女能信斯法
不生疑惑書寫讀誦常受持者心有憶持一
切事業皆盡如意得大威德時世四部信男
信女皆悉愛敬持明仙王與諸仙衆冥密守
護加祐福事自然成辦得大尊貴恭敬供養
一切財寶真珠摩尼金銀瑠璃珂貝璧玉衣
服樂具而皆豐足獲大福植滿諸願故是持
明者得斯吉祥如意悉地勿輕泄人所獲神
力永無退失世尊此如意輪陀羅尼明印威
神如是甚為希有或淨不淨能成有情心寂
法海入諸三昧神通遊戲住佛菩提以斯因

緣我以大悲成熟有情唯希如來加持覆護
囑累品第十

爾時世尊讚觀自在菩薩摩訶薩言善哉善
哉大慈悲者能善說此如意輪陀羅尼明是
法於瞻部洲利樂成熟一切有情菩提善限

若有有情發心於此如意輪陀羅尼明讀誦
受持恒不間者則此生中證見色寂圓照神
通遊戲智三昧耶非但現世得大福利亦於
當生獲大功德是故一切天龍八部皆應敬
護如事火天我以持此明者付囑於汝常勤
加護能五今斯明者得其證驗見信汝身我已隨
喜爾時觀自在菩薩摩訶薩白言世尊我於
無量劫來以大悲力受如來教付囑有情常
隨擁護與其效驗唯佛證知為於有情說此
如意輪陀羅尼明若受持者依課誦持得願

滿足證成不難承佛神力得作如是救苦有
情爾時聖觀自在菩薩摩訶薩說此經已一
切大眾皆大歡喜信受奉行

如意輪陀羅尼經

音釋

唌盧達切 悚息拱切 釵又楚皆切 璫都郎切 充
尺絹切 疔當經切 癩都年切 甚息淺切 來來卓切
臂錄也 抹普未切 膊補各切 撓擾也 攢攢九切 拵拵九切
切切 搯奴頂切 嗚肩體也 灑音節水 筵音師與
昵尼質切 珊蘇干切 檀居良切 眇赤脂切 目目 搵困焉
捺切以手